

Prophetebeeri Bummel 1969

Mir sin die drei Prophetebeeri,
Bekannt als alti, beesi Schnoeri,
Bym Bolle hän mer no miesse pariere,
Doch hitte kenne mer nur kritisiere.

Aini vo unsere Grindere
Und Abverheite-Erfindere
Kunnt ohni Bündel uf dr Huutt
Ganz gege d'Vorschrift mai-mai Ruth.

Dr Desch duet Piccolo behandle,
Die Abverheite lehn sich nit verwandle,
Mit schnyde, bohre oder gar liquidiere,
eb si stimme oder nit, muesch si acceptiere.

Obe-ohni-Costüm git's,
Us em Vortrab-Stoff - es isch e Witz,
s'Ruth inspiriert sich, wämmer wette,
an de Mini-Nächt uf dr Fasnachtsplakette.

Ai Cliquesport, s'isch kuum z'begriesse,
hätt au no uf d'Ladärne miesse,
Denn s'Käthi duet sit noische Zytte
Uf de Statute ummerytte.

S'giesst, d'Larve wärde waich und waicher,
Au d'Lorbeerkränzli als wie blaicher,
Es tropft no zue de Ohre us,
Sehn so die satte Spatze us?

E Fasnacht ohni Requisit
Isch firs Vreni Moser nyt,
Do ischs Didi besser dra,
Aes het halt dr Busam vom Däese a.

Catherine, Ruth, Rosemary, Joan,
Palmstreet, Limestreet, Ortestone,
Tooth, Bird, Wackernail and Cherry,
D'Mary isch und blybt e berry.

S'Didi luegt uf aimol grien,
Doch d'Cigarette s'rette dien,
d'Ladärne sträbt es bitz no unde
Und pletzlich isch si ganz verschwunde.

Suppegriens und vyl Salat
Git Saft und Kraft fir dr Spagat,
Firs Bea lyt do drin e Gfohr,
Het's Buschi denn ächtsacht grieni Hoor?

Zerscht macht me's zämme, denn abenand,
macht Lecher dri und schiesst in Rand
z'letscht duet me's no ibers Land entfärne
und segglet em nooch! Was isch es?

D'Latärne!

An der Fasnacht isch mæ-n-oft
Speziell noch em Wy eweneli soft
Was het ächt dä gmaint, wo-n-am Aend är
haimschmuust mit em Zahn'sche Noteständer?

* * *